

1904

年

第

卷

441

第

450

期

祖 聖  
言 格 訓 庭

瓜 洋 序 報

訓曰凡人彼此取與在所不免人之生辰或  
遇吉事與之以物必擇其所需用或其  
平日所好之物贈之始足以盡我之心不  
然但以人與我何物而我亦以其物報之  
是彼此易物名而已矣毫無實意此等處  
凡人皆宜留心

光緒三十年九月初十日

第 四 百 四 十 一 册

本局開設天津河北獅子林

本册目錄

宮門抄

諭旨

奏議 署粵督岑等一件

文牘 本省一件

畿輔近事六則

日俄戰紀(二四二)

新聞 各國六則

學報 美國商務條陳稿

○風雨寒暑表源流考

○科學叢錄一 雜誌 二 三

文編 四

圖畫 法國上議院外觀

天津郵政示第一號

大清郵政總辦為通行曉諭事照得前奉 總郵政司赫憲劄行以郵政遇有創設增設之舉務即隨時曉示衆知等語茲因現行之寄費清單至光緒三十年七月二十二日註銷作廢另有新單任人取閱不取分文仰即前赴就近郵局領取以便至日遵辦無誤特諭

欠癸卯冬季報費

南 宮五十四兩

圖影廳一兩二錢七分六釐

樂 州四十五兩

豐 調十二兩三錢另八釐

永 年六十兩

邯 鄲二十六兩

肥 鄉三十三兩

隆 平三十三兩

唐 山二十六兩

欠六月至臘月報費

案 津二十八兩

廣平督河廣三兩五錢

欠秋季兩季報費

鉅 鹿八十八兩

欠冬季加派併臘月

報費

易 州三兩四錢五分

欠冬臘兩月報費

武 清二十兩

大 興十七兩

長 垣三十七兩五錢

順德鹽捕府二兩

欠八月至臘月報費

良 鄉四十九兩

房 山三十八兩

平 泉三十九兩

欠臘月報費

水 滄一兩五錢

靈 壽十兩〇三錢三分

新 城十二兩

平 谷十二兩

井 陘十三兩

欠閏月報費

深 平三兩 南 樂三兩

欠九月報費

承德府二兩

臨 榆十八兩

欠十月報費

滑 縣八兩

欠正二月併冬季報費

豐 寧四十三兩五錢

欠八九十月添報二分報費

成 安三兩

欠四月添報六分報費

高 陽三兩

欠六月至冬月報費

懷 柔三十六兩

宮門抄

九月初八日 商部 鑾儀衛 廂黃旗值日無引 見 統朗謝授光祿寺卿 恩 定王謝伊子

授光祿寺卿 恩 良泰謝伊子授侍衛 恩 希朗阿謝伊姪授侍衛 恩 振貝子假滿請

安 麟公續假十日 敬中堂奏請開缺 召見軍機 振貝子 商部遞封奏一件

九月初九日京電本日 召見軍機 閣抄奉

上諭裕德著管理理藩院事務欽此

旨榮慶著調補正紅旗滿洲都統所遺鑲黃旗蒙古都統著善耆補授欽此

旨著派世鐸管理御鳥鎗處事務欽此

旨著派載振管理火器營事務欽此

旨訥勒赫著補授內大臣欽此

奏議錄要

署粵督岑等會奏請免解滙豐鎊價內無著之款並懇暫減新案賠款摺

奏為東省司局各庫異常艱窘懇 恩免解滙豐鎊價內無著之款並懇暫減新案賠款以蘇喘息恭

摺具陳仰祈 聖鑒事竊照廣東庫儲奇絀出款日增司局各庫遞年用項不敷太鉅萬難措拄經臣

等於上年十一月間具 奏請將光緒二十五年籌餉案內所提無著之款七十七萬九千八百兩永予

豁免並將洋常各關增稅照案撥供賠款暫減廣東新案賠款三成兩年再行認解欽奉 硃批戶部

議奏欽此旋准戶部咨行議覆以光緒二十五年議提廣東釐捐鹽務等款部中檔案不全原奏所稱提

款一百六十萬兩實有一半無著究係某款無著某款應行減免歷年成案既無可考原奏亦未逐一聲

明實屬無憑核議原奏既稱所提一百六十萬兩每年實可提銀九十二萬兩又稱無著銀七十七萬九

千八百兩其數亦不相符何能懸斷現在該省既入不敷出若將此項提款再行核減則應解各款勢必

更形短絀所請減免之處礙難議准行令切實整頓如數提解並將此項提款全案迅速鈔錄送部以憑

考核並以洋常各關增稅已留抵舊案洋款不敷鑄價現在各關增稅爲數無多卽准以各省所認賠款勻攤之廣東亦不過十萬內外於廣東新案賠款三成亦屬礙難議准行令將廣東新案賠款照常籌解以重外交而顧大局等因當經轉行司局遵照去後茲據廣東藩運兩司善後釐務兩總局司道胡湘林等會詳伏查前項撥還滙豐鑄價之銀一百六十萬八千六百兩零當日係憑虛數擬提無著之款本居其半歷年本未提足均係挪移湊解節經前督臣詳晰 奏咨請減嗣奉戶部一再議駁又經前督臣陶模開列細數清單註明某款無著某款能提並能提者之實數咨送軍機處戶部查核近兩年來情形又復不同所提各款收數有昔多而今少者亦有昔有而今無者前督臣陶模原奏所謂能提九十二萬二百兩之數按照近年情形核實統計祇能提銀八十二萬八千八百兩此臣等前奏所以有無著七十七萬九千八百兩之數也現經遵照部行將本省歷次奏陳艱窘情形摺稿鈔錄成帙並將前督臣陶模前報司局各庫收欸如何無著之清單鈔錄成本按照近年情形加註明晰詳請 奏懇減免前來臣等伏查粵省近年司局各庫入不敷出艱窘情形日甚一日指撥籌解之欸亦歲有加增前項奉提無著之欸七十餘萬之外新案賠欸二百萬亦不敷銀一百三四十萬兩此外應行補給欠發勇餉廣西軍餉等欸又一百餘萬兩綜計每年短絀三百數十萬兩悉索無遺借無可借若不據實陳請分別減免必致貽誤大局臣等受 恩深重具有天良前項七十七萬九千八百兩之數苟使稍可裁提又何敢爲再三之瀆無如粵省財力枯竭至今爲極實屬萬難支持若因前奏請減奉駁默不敢復言坐視貽誤臣等亦難當此重咎思維再四惟有仍懇 天恩俯准將提撥滙豐鑄價案內無著之銀七十七萬九千八百兩免其撥解並將新案賠欸二百萬兩暫減二成俟兩年後再行加數籌解俾得稍蘇喘息各省財力無不窘絀而以粵省歲短三四百萬者爲特甚憂愁焦急實不知何以爲計惟懇 恩施格外庶免立致隕越臣等實不勝屏營待 命之至除將本省歷次奏陳艱窘情形摺稿並前報司局各庫收欸如何

無著清單加註近年情形列單咨送軍機處戶部查核外所有懇請免解滙豐鑄價內無著之款並懇暫減新案賠款各緣由謹合詞恭摺具 奏伏乞

皇太后 皇上聖鑒訓示謹 奏奉 硃批戶部議奏欽此

## 文牘錄要

工藝總局詳送考工廠各項章程條規清摺接四百四十冊

採取本國商品略則(寄售貨品另有專章不在此例) 一凡採取商品以工藝品爲主餘則擇其產額富而有益於國計民生者取之 一凡工藝品須擇其易於改良及改良後可暢行於各處者取之若於民間不甚要者皆緩收 一凡足以與外洋物品競爭而擴張本國工業者皆取之 一凡採取商品或徵求寄贈或出資購買應視該品之輕重緩急酌量辦理惟現今經費未充凡過於昂貴之物概不購置如有寄贈者可收入陳列 一凡採取商品必須將其價值產地每年產額行銷地批發價等逐件記明 一應採商品種類如左 工藝類 教育品(凡書籍 文房具 照相具 度量衡測量用具 樂器具) 美術品(凡書畫雕刻等品) 製造品(凡陶磁器 玻璃器 玉石器 金銀器 鐘表 竹木器 漆器 紙 革 牙角等器 各項機器) 機織品(凡織染刺繡等品) 天產類 礦產(凡一切五金礦石及各項化學藥品山鹽礦泉等品) 水產(凡水中所產各項動植物及牙角等品) 林產(凡竹木及木炭等品) 農產(凡五穀 蠶絲 棉花 蔬 果 酒 烟 茶 及各項花草之種子等品) ○遊覽章程 本廠華歷三月至八月每日於上午九點鐘開廠下午四點鐘停止售票五點鐘開門九月至二月則於上午九點鐘開廠下午三點鐘停止售票三點鐘半鐘開門惟每日十二點鐘至一點鐘爲午膳之時概不售票但縱覽時刻亦有酌量事宜隨時伸縮 一入覽者須於本廠

售票處購票入門時此票呈驗出門時交於收票者但帶有優待票或特別入覽票者進出門時惟呈驗而已概不取費 一携帶棍子傘或小包者應將該物件交於携帶品收管所收存出門時領回該物

一不得率同犬畜等類遊覽廠內 一非得看護人之允許不得任意撫觸皮設品 一如願買貨品請至售品記簿處面議酌付定錢先給憑條隨後持條備價取貨不誤 一瘋癲或酒醉者一概不得入覽

○一本廠休息日開列於下 萬壽聖節日下午 每禮拜日下午 自臘月二十一日至正月初五日

上元節日下午 端午節日下午 中秋節日下午 但除此之外當全數更換陳列時隨時斟酌停止遊覽日期另行告白○敬再啓者本廠爲提倡工藝在外洋原不拘男女均可隨時來廠遊覽惟中國

風俗不同茲擬訂每逢禮拜五該日專讓中國女客遊覽其餘日期准男客遊覽以免彼此不便至外國婦女來廠遊覽不拘此例

(已完)

## 畿輔近事

限期入學○商部以實業學堂工程既竣不日開學查學生中未報到者尙有二十名特出示催令各生迅速到堂限九月初十日截止逾期一律扣除以免虛占學額

戶部考試司員紀題○戶部於本月初四日考試司員茲由京友抄寄試題如左 漢文題 無政事則財用不足論 日本改行金本位其沿革及辦法若何試舉其要策 譯洋文題 昔聖王之處民也

擇瘠土處之勞其民而用之故長王天下夫民勞則思思則善心生逸則淫淫則忘善忘善則惡心生沃土之民不材淫也瘠土之民莫不嚮義勞也(無論何國文字照譯此文)

請設菜廠○北京某商現擬籌集資本創立恒遠公司在各城建造廣廈仿設菜廠按日收租以免水果菜蔬各攤駢列道旁有礙行路已向商部具稟請予立案俟奉批准即可開辦

添設巡員○天津衛生局向有巡捕逐日分往各處稽查街道溝渠隨時督夫整理現聞該局總辦查得各捕中往往有偷懶廢公者實由監察無人以致日久生玩刻已添設巡員數人協同捕長切實抽查庶各捕知所警懼也

臬臺批示○臨榆縣孀婦徐陳氏來司呈控一案 批此案已據永平府轉據臨榆縣詳稱京控各節全屬子虛本應究誣姑念氏子徐文鎔等均死非命且未始終誣執從寬免議斷令公會撫卹銀一百二十兩作為該氏姑媳養贍等情詳請核轉前來正在核辦間今據該氏以非刑勒結等情來司呈控案關致斃一家三命情節重大該氏既經翻悔自非提省飭發讞局審辦不足以昭折服應候檄飭保定府即行札提一干應訊到案研訊實在確情據實秉公擬辦該氏即赴讞局投質可也○祁州孀婦呂吳氏來司呈控一案 批據呈吳小須等挾嫌率領多人找至氏家摔砸並將氏幼子毆傷賄買上下通同不究是否屬實候檄委隣封蓋縣移提人卷到案秉公訊明實究虛坐毋稍含混致負委任○涿州孀婦侯周氏來司呈控一案 批此案前據該州通稟訊據侯元供認伊一人用刀將李慶兒扎傷身死至今年餘未據該州詳報有違例限候札催趕緊將驗訊情形填格錄供通報案內如有無干人證即訊明開釋毋使拖累至保甲局索賄一節是否屬實並即由該州確查究辦勿稍姑寬

學務處批示○安州生員陳大壯稟請隨場考試師範一案 批凡具稟在截止收稟期後概不收考今若取錄無以取信於眾且該州額數已滿不能再收點名委員不知此等情節致未阻止該生雖與考仍應不錄以符原議○東文學堂特別科學生馬蔭楠等請給畢業憑照一案 批據稟已悉該生肄習東文攻苦一年茲經本處考驗不無可造之材惟所稱特別科一年畢業本處無案可稽應候該堂總辦回省與年限課程一併妥議辦理



# 日俄戰紀 (二四一)

西十月十五號路透電俄京官場承認日軍奪去大砲十六尊之事已屬確實又據俄國報館在戰地之訪事人報稱此次之戰比在遼陽更爲激烈兩軍兵士皆不顧其性命戰地被佔又復奪回者每日計有五六次至七八次死傷甚多且常有用手格鬥并用手擲炸彈死者更難勝數兩軍每於夜間互以大砲轟擊△俄京訪事電云滿洲戰報傳來俄京人心大爲失望因此次戰事與庫魯柏提督前此所發示論全然相反刻下俄軍受傷者約有八千人之數○西十月十六號路透電據法報駐俄國各訪事電云俄提督庫魯柏奉天之敗損傷甚巨庫督此次進攻滿冀得一勝仗以慰國人之望並可使國人不致視從軍爲畏途也△日本大山元帥統計奉天之戰殲斃俄軍有三萬人之多現俄軍紛紛退避

西十月十六號東京電據日軍報告云各方面之敵皆爲我軍擊破而壓迫於左岸捕虜數百且斷其去路敵軍死傷在三萬以上由我軍埋葬者二千餘又獲砲三十尊小銃若干又續報云現查見敵軍所棄死屍有七千五百五十具約計有一萬以外其死傷總數則不下五萬餘我右翼方面之敵軍大隊幾致全滅所有殘卒現向奉天退走

西報聯譯 京津西報云近日旅順俄軍施放之炸彈其中只有硫磺不能收爆裂之效◎英文晚報云神戶報載正金銀行將往遼陽開設分行按此說恐不確何則俄軍現方南下該銀行豈肯冒此大險耶營口存積軍糧器械不少 日前俄皇詔以滿洲三等提督四員升爲二等提督又二等提督一員升爲頭等提督以賞各該提督力戰之功又三等提督中名 Mischenko 者蒙俄皇賜一金柄寶劍鑲嵌精

獎並有該提督于西七月二十三二十六二十七等日擊退敵軍猛勇可嘉等語鐫刻其上

紀旅順西面砲台 日本門司來函云旅順西面司徒斯爾砲台最爲鞏固俄軍末次必在該處死守又云該處鐵網上之電力有五千電池砲台均用鐵甲保護其頂上復設有最堅固之防禦物云◎俄皇簡派兩司令官之時評 東京官場得歐洲電謂俄皇以庫魯柏爲滿洲第一軍司令官格力奔拔爲第二軍司令官此詔一下奧國各報皆有指摘謂此後俄國滿洲軍事上局勢必爲之一變難望有同心協力之事又有一報云此次派格力奔拔爲滿洲第二軍司令官不啻助庫魯柏反對黨之勢焰也◎日本軍用鐵道近聞 東京來函云前有裝運鐵路材料之日船數艘被海參崴俄艦擊沉實於漢釜鐵路大有關緊現釜山接至元山之鐵路將近開工而漢城至釜山之鐵路今歲亦可望造成又安東至遼陽之鐵路現已築至鳳凰城北面三月內必可竣事◎黑木大將憑弔新戰場 韓京某報云陽曆八月十日侵曉日本黑木大將乘馬至烟台(遼陽東北)附近之小山遊憩途經村落多所十室九空惟見有受傷俄兵流落各村并見焚化屍身處以及纍纍之荒塚復憑弔當日兩軍交戰之地流連久之然後至小山此山風景絕佳登巒俯瞰半皆危壑四圍砲台排列槍洞星羅棋布遙望之幾與蜂房無異近山巔處有俄兵之遺屍甚多觀其狀似欲孫升山頂被日軍擊死者山之周圍皆有砲彈陷入泥中復有從砲彈中爆出之斷鋼零鐵此外則被毀之軍械槍尖飯鍋衣帽等類滿目皆是血痕灑處遍地作臘脂色令人毫髮都豎由此觀之此次兩軍之戰實歷史上獨一無二之大格鬥也

## 各國新聞

●路透電報 撒克遜尼國王卓爾基因病逝世按撒國為普魯士聯邦之一(西十月十五號)

●日購英船 日本某西報云英國商船森大號已售于日本其排水量有一千四百零五噸

●張伯倫論巴洛福整頓財政事 英國殖民大臣張伯倫在路登演說時曾論及羅斯白列所稱巴洛

福整頓財政之策十分緊要非可等閒視之又謂因巴洛福之言又添出一番大議論余今日不欲再提

五十年前之保商政策惟照巴洛福所言此後議院中恐不免復有選舉之事且巴洛福策之所以遭物

議者實欲無端將英國國家之商政他人所不肯為者一旦重現目前也

●美設蘇丹種棉公司 紐約報云美國已在南非洲之蘇丹國設一公司專僱黑奴種植棉花聞所投

資本金厥額甚巨

●非律賓之煤油 美國某地學家曾游歷非律賓羣島據云將來該島煤油必為出口大宗其油澄清

見底百分之四十可供燃點且工值甚賤每日不過一二角日後暢銷獲利可操左券

●瑞士國穿山鐵道表 美國溫故報云瑞士國新潑耶地方之穿山鐵道將於一千九百零五年七月

竣工此為穿山鐵道中之最長者某報曾比較該國各穿山鐵道之里數及造成年期如左表

地名 里數 造成年期

新潑耶 十二英里又四分之一 一千九百零五年

聖瓜薩 九英里又四分之三 一千八百八十三年

生尼山 八英里 一千八百七十年

阿爾盤 六英里又四分之一 一千八百八十四年

西佛痕 四英里六百二十四碼 未詳

此一路不過發軔之機。同治八年以後通國鐵道大興。自南自北。自東自西。縱橫交錯。密若網罟。至同治十二年。國中有鐵道共二十萬。又五千四百餘里。迨光緒二十五年。增至五十七萬。三千里。有強。全國煥然。改觀。鐵道所至。沿途城市繁興。向之人跡不到者。頓闢爲都邑。向之內地農產銷路阻滯者。頓覺流通。農產易銷。則價高。價高則利厚。而務農者益奮。美國中央及西部農業之盛。職是之故。久之鐵道小公司日多。以爭利受虧。遂聯合爲數大公司。而國會爲之頒訂章程。故四野雖軌道錯雜。而行車仍井然有制。

二航路 鐵道未興以前。東部有衣厘諸運河之築。亦頗足爲一時便利。轉運之計。鐵道興而運河之關係遂較輕。然以水運費省。故東部運河仍不廢。至近年中。美洲鑿通地頸之問題。將見諸實行。此運河關係全球之航路。即關係全球之商務。而於美國商務關係尤重。先是議者謂此河有二道。一經巴拿馬地頸。一經尼加拉地頸。道光二十九年時。美人已有興築之議。三十年與英人立克來登之約。英美合力保

護河道應經之地。既而事復寢。越三十年。美人殆有開鑿尼加拉地頸之議。及與西班牙戰。美廷益見斯河之重要。光緒二十三年。始遣使調查尼加拉運河情形。明年麥總統請國會力任其事。國會僅籌款一兆元。爲測量經費。又明年經理人估報築費。其需一百十八兆元。光緒二十六年。美人復與英人改約。英人讓築造掌管運河之全權於美。遷延至二十八年。始議定。而尼巴二道爭議不決者久之。是年秋。美人始決定巴拿馬之道。明年與哥崙比阿訂約。旋巴拿馬離哥自立。遂更與巴拿馬立約。興築之期。當不遠矣。至於美國航業。未見興盛。曩年新英國之航業。幾全毀於南北之戰。戰罷後。外國貿易之載運於本國商船者。僅百分之二十七。自後日見其減。一由於英國鐵賤。向之木船。改而用鐵。故英艦甲天下。二由於網鐵艦所需材料。以進口重稅。而價貴。故美商造船者。退縮。三由於國會未嘗注意於保護航業。近年檀香山巴多黎各島及斐律賓諸島。歸入美國版圖。後美人始復注意於航海云。

三銀行 美國國家銀行之制。立於南北戰時。厥後裨益於工商業者。匪淺。先是美。

與拉門敦在劈立尼山試得之各數不甚差。惟秘何所喜用之倍數。為一萬八千三百九十三枚。即合於平常離海面一千二百枚。千即四尺處所測之略數。所以將其式變

為英尺之數。即得

對準(上三〇〇)海(二餘社二八三〇〇一)六〇三四六

此式中。涵為其處之緯度。嗶西為高低二處百度表之熱。啐

辛為其水銀柱之高。

此高為已改去冷熱之差數者

拉不拉斯亦作一立成表。為便於推算風雨表所測之高。惟先已有人於一千八百

零九年。依拉不拉斯最繁之式。算出一甚大之立成表。若要常用風雨表測量各處之高。其表或可有用。惟其所用之數太多。觀其外貌。必以爲無有不極準。殊不知風雨表所測之數。總不能如此細也。

凡以風雨表測高。當以簡便而不甚差。爲最要之事。其推算之工夫次之。故其所用之風雨表。一要應輕而便於攜帶。二要不易壞。三要能指出空氣輕重之細數。惟此三種益處。最難以一器兼有之。大約以尖管形之風雨表。爲最合於用。可藏於鋼管之中。四圍用石灰塞緊之。而用一甚細之鋼塞門。閉住其水銀。則登山可作手仗之用。臨測之時。轉開塞門。而倒其桿。一看卽知水銀柱之高。

## 第二十六節 測山風雨表

有新式之風雨表。便於携之登山。以爲測高之用。故名之曰測山風雨表。其形如圖。

此圖  
原佚

右圖爲水銀孟之剖面形。皮囊下有一螺絲抵之。其皮囊又有象牙盒盛之。如此則。

海軍圖

意大利新造兵艦一艘名維拖羅伊曼紐爾第三現將告成其排水量一萬二千六百廿五噸長四百三十五尺高七十三尺五寸艦中有機器兩架每點鐘約可行廿一海里馬力二萬匹。船中能容煤二千八百噸。周身鐵甲厚至四寸及十寸左右。設十二寸徑之大砲各一尊。八寸徑速射砲十二尊。四寸徑砲十二尊。三磅彈砲十二尊。潛水魚雷筒四具。據法報謂該艦上再宜添置十二寸徑大砲兩尊。八寸徑砲四尊。六寸徑快砲十二尊。惟如此則一切敷設較前大異。實非所宜要之。此艦造成而意國海軍力量必較前增漲。

製造圖

別色馬鋼即今所通用者。將生鐵數墩鎔之。傾入懸空之泥鍋內。熱氣自下。入透過。鍊化之。鐵即燃燒極烈時。能發大聲。有白片之渣滓飛騰而上。火燄自頂出。遇各種金類。發出五彩。鐵火星亂飛。皆為鍋內有猛化之故。至二十分時。鐵盡放其炭與砂。遂將鏡鐵（即多含炭與黑者）加入。令變為鋼。傾入模內。鑄成鋼條。按一千七百六十年。有英國雪斐特城附近之鐘表匠。名洪斯門者。因表內法條軟硬不勻。遂設法令其性質各處均勻。後果得法。於是其所製鋼。人爭用之。洪斯門秘不洩。重價雇工人。先令發誓。決不准其洩漏。且分工各人作之。莫窺其全。一日冬夜。忽有一過路客。敲門避風。雪烘火。鑪旁伴為熟睡。實則細心偷看此秘密。法見火光閃爍。工人先將鋼條切斷。成小塊。置入泥鍋內。放入火。鑪其火極熱。待鋼鎔化。後工



人衣水濕。破衣以避其熱之害。取出至泥鍋處。傾鋼入模內。此卽鍊法之要領也。客於伴睡之頃。盡見之。此秘法遂洩。

**地理** 南北寒帶不冬而冰。至熱帶中則四時無霜雪。而人居之亦多不適也。向時中國所用之冰。由美國波士敦運來。印度亦然。此皆天然生就之冰而已。其後有造冰法。初行之始。粗劣而難。繼漸靈便。今則航海之各船皆能自造冰。而中國印度亦多冰廠矣。聞近日法國新得一造冰新機。其巧更勝於前。最小之一種。闊十一英寸有奇。長十九英寸有奇。用手搖取。每小時可成四磅半。最大者。闊三十九英寸有奇。長五十九英寸有奇。發動機之馬力四匹。每小時可成一百十磅。其成冰也。並無藥料。故便於用。小者僅值美金二十圓。以上各節。爲美國駐法尼斯領事所報告。其益有二。一價賤而平常之家。可以通行。二凡電燈之線。亦可以轉此機。蓋世界文明日啓。則人類之供給日益具備。而舊日上流社會。所以取精用宏者。漸亦逮於中下。如一電線也。用以點燈。用以響鈴。用以扇風。用以造冰。用以動縫衣機。費省而功倍。此非人類幸福完全之期乎。

**政** 近世政治家。僉謂欲強中國。非行憲法不可。然欲行憲法。必先設上下兩議院。卽古時謀及卿士。謀及庶人之意。茲將法國議院圖登報。以供衆覽。（圖見後）



法 國 上 議 院 之 外 觀

而實中國之弱故也。

日俄戰爭以前。歐美人之於日本。尚持此論。而歐洲大陸人尤甚。返而觀俄國之歷史。則嘗因拿破崙第一。於莫斯科一千八百五十四年。克賴密阿之戰。雖爲英法所破。而尚非大敗。至一千八百五十六年之事。論其終局。雖以巴黎條約。其黑海艦隊。竟被限制。然當一千八百七十年。普法戰爭。後遂以撤廢巴黎條約之請。馳牒各國。雖約中所含公法之原則。俄亦無可如何。然艦隊之限制。則已解散。且俄人於西伯利亞。於中央亞細亞。屢擴屬地。使各強國。有望塵不及之概。俄國已往之偉業。足以眩人目者。如此。故日俄開戰之始。歐美人大抵爲日本危。或謂是日。本滅亡之階梯。傷哉。短小之日本人。起此無謀之戰。以求爲俄人之奴隸也。或曰。否。日本政府若非深謀遠慮。必不敢與俄國戰。

開戰以後。於海於陸。俄人屢戰屢敗。歐美人士。始驚日本海陸軍之強銳。然謂最後之戰勝。仍在俄人者。往往而有。此等妄想。自日本人聞之。固甚駭詫。而歐洲大陸之人。乃皆信以爲然。日本雖屢勝。而公債之價。不甚騰。俄雖屢敗。而公債之價。不甚貶。以此故也。然此事結局。當已不遠矣。歐洲大陸之人。或以爲俄國之陸軍太弱。故爲日軍勝。然非俄國之弱。實日軍之強耳。設以德國之陸軍守九連城。法國之陸軍守南山。日軍豈遂不能勝之乎。

見日本之勝而不快者。非獨俄人。彼德人承其君命而占膠州灣者。尋欲逞其鐵路政略。且以山東鐵路銜接蘆漢鐵路。以謀北京與膠州灣之聯絡。且因以聯絡漢口。故山東鐵路之延長。實德人之大欲也。德人之意。以爲日本勝俄。則於德國在遠東所經營之事業。必有阻力。至若法國。不但與俄同盟而已。且於越南屬地。皆不能無所關係也。

是則若德法者。昔雖蔑視日本。自今以後。轉抱一畏忌之念。其結果之時。或干涉戰局。或又不能以獨力干涉。則必號召英美與之聯合。而實行之。不知日本之所以抵制者。果有何策也。

論日本商業（錄外交報譯英國一千九百四年六月二十日翻連蘇報）

日本外部有主持商務者。宣布萬國會議糖業一案。此恐有損於遠東之糖業。而日本亦當波及也。雖保護甜菜糖業之例。今已廢止。然歐洲存糖日積。非以販路之暢盛。而由產糖之過多。似此則所存者。勢必改運遠東。日本所產。定必滯而不銷。夫德奧二國。雖已刪除保護糖業之律。然因其製造改良。固亦無所妨礙。自德奧兩國外。歐洲他國。亦必多製糖以運往遠東矣。

日本國民報嘗言曰。政府歲給日金二萬五千圓。津貼茶業總會。總會以其費用。及日後所行之策。略呈報農商大臣。其辦法如下。一在美國散魯伊斯設支店一。以便陳設日茶。藉供衆覽。一外國各要區。均設支店試售。一巴黎支店。循舊例。一一千九百五年。比國黎業斯賽會。設立茶園。

**得利文洋**

本行開設天津上海香港汕頭等處均設有年諸班貨物由外洋本機器廠自造法蘭洋鐘皮套鐘  
天文坐卦等鐘以及金銀夾金銅鋼等表約有二百餘宗並各樣表鍊金銀珠寶鑽石戒指耳墜鑰子表  
八音盒並留聲器匣單雙桶千里眼磁蘭磨花穿衣鏡梳妝洋鏡大小皮包法國洋號又新到轉盤換調語匣  
音盒價值格外從廉仕宦官商光顧者請移玉紫竹林法租界本行面議可也  
本行主人啓

**戒煙香片茶葉**

天津鍋店街錦文齋南紙局代售

本齋謹啓



**止咳散**

能治咳嗽 外感內發 無論輕重 立見神效  
兼治痰喘 肺癆等症



婦科百症 百發百中 至親骨肉 須知本行 有此神藥

**笑汁** 立止牙痛  
**清睛水** 靈藥眼科  
**一掃光** 立治疥癬



**如意丸**  
將此兩藥 內外並用 舉凡淋症 無不立愈  
天津宮北藥房

**滋養葡萄美酒**

啓者本公司製宜化葡萄美酒前已運津銷售告竣會蒙中外官商交相推許味甘色美  
與泰西名釀無殊本公司精益求精不惜工本製造加料極清頭等陳酒批運至京津保定各  
處分售貨高價廉廣銷路以供雅賞如承賜顧請至北京觀音寺華英同德福大柵欄  
恒義天津宮北實源亨保定慶興隆零批發不悞此佈  
上谷美酒公司謹啓

天津 北京 山東  
**瑞林祥元記**  
**綢緞洋貨莊**

本號開設一北京前門外鮮魚口外一天津估衣街中間路北一山東廣濟  
南府院西路北一等處自置綢緞洋貨顧繡粧花素貢絨粧緞以及京廣什  
貨織絨絨貨各色俱全貨高價廉劃一不二中外紳商賜顧移玉是幸  
瑞林祥元記具

**天謀得利洋風**  
**津琴音樂公司**

本公司創設在中國南北兩洋已有三十餘年矣專辦美英德法諸國頭等名廠新式樂器大小洋琴  
風琴八音琴等具甚多且其絃管笛簫中外各軍營所用馬步鼓號等器及德勝大小鼓號現中國軍  
營由本公司購辦者甚多本公司並有頭等洋工匠修理洋風琴音樂機器等物刻有精美各廠託本  
公司一家經理英仙核牌美坐狗牌均擬本公司承辦批發別家賣者均由本公司購去此式樣轉片  
唱戲留聲機器比前次轉筒大不相同而且準保永遠不壞其音唱出高過戲台之聲特請中國  
各省頭等名角演唱唱調崑腔山陝梆子二簧時關小曲洋器一應俱全承蒙中外官商所信批發  
零購價廉物美 天津紫竹林英領事街九十七號本公司面議可也 出租賃各樣洋風琴等  
英商謀得利音樂有限公司謹白

**元隆綢緞洋貨莊**

開設估衣街中間路北大牆門面自置綢緞紗羅縐縐粧各樣錦緞花素刁絨新式柵杆各種壽  
衣新花洋氈斗蓬花素線緞閃花羽緞各種布疋零整發售現銀交易格外從廉以昭久遠 謹白  
○寄售龍井雨前各種細茶皮絲水烟加料大小皮箱帳匣


# 天津官書局

同保定總局自運各省官刻家藏木板石鉛印經史子集新譯經濟時務策論並各學堂應用書籍及中外地圖原刻洋文賜顧者請至北馬路路南本局購取價值格外從廉劃一不二特此佈告

各種竹器  
 本行現運到一種騰寫版印字印圖輕便異常且能印出各種顏色鮮明耀目無論何人皆能試印是官商必不可少之物價廉機便另付有用法詳解一册賜顧諸君請先移玉至本號一觀是幸

天津日本租界旭街加藤洋行啓

蓋聞鴉片烟一種人心皆愛凡食物均皆坐而食之惟鴉片烟煙而吸之初時吸二口令人遍體通快癮頭一深以致骨瘦如柴筋骨疼痛精神疲憊大便不通失業誤事種種苦狀為害不淺不勝言矣(余)近思善法可使人脫離苦海製成參茸珠珀五行斷癮內中並無大烟烟灰馬非等用嬰索花伐之人不受烟積之累其效非常服此丸能補身而延年壽益永無疾病真當世之妙藥也現已出售每料洋一元附送十全大補丸五粒服法另有仿單(逢氏敬白)近今市上臭虫臭藥均無效驗(余)近思一法秘製奇妙臭虫藥業經出售每匣洋三角不驗不收錢貴客欲講者請至河北大胡同路內小胡同葉逢伯醫館便是



本行現運到一種騰寫版印字印圖輕便異常且能印出各種顏色鮮明耀目無論何人皆能試印是官商必不可少之物價廉機便另付有用法詳解一册賜顧諸君請先移玉至本號一觀是幸

天津日本租界旭街加藤洋行啓

## 斷癮靈丹

蓋聞鴉片烟一種人心皆愛凡食物均皆坐而食之惟鴉片烟煙而吸之初時吸二口令人遍體通快癮頭一深以致骨瘦如柴筋骨疼痛精神疲憊大便不通失業誤事種種苦狀為害不淺不勝言矣(余)近思善法可使人脫離苦海製成參茸珠珀五行斷癮內中並無大烟烟灰馬非等用嬰索花伐之人不受烟積之累其效非常服此丸能補身而延年壽益永無疾病真當世之妙藥也現已出售每料洋一元附送十全大補丸五粒服法另有仿單(逢氏敬白)近今市上臭虫臭藥均無效驗(余)近思一法秘製奇妙臭虫藥業經出售每匣洋三角不驗不收錢貴客欲講者請至河北大胡同路內小胡同葉逢伯醫館便是

天津

浙杭 范永和綢緞南貨局

天 煇字山房

本房新刻官板御批通鑑輯覽計五十八本做八函仿設板校對無訛現今通鑑鉛石印日出不窮書內  
外錯甚多之弊已蒙海內外商購者特登報舉各省學堂委員來人或寄信來津或用粉連紙毛邊紙  
毛太紙等書若干定期不誤昭昭料出自運商務學天文地理諸教科書並木板經史子集代士商攬  
刻木板石印刷裝訂收買舊書無不備齊購者格外從廉 針市街便是 本房主人謹啓

開設天津北門外鍋店街自置綢緞洋布桂油香貨東西洋貨胡桃  
篋子木梳南貨一概發客皆真價實言不二價 惠顧者移玉是幸

總

理審

學定

務教

大書

臣

再版瀛寰全志是編搜集東西輿地佳本精心翻譯竭一年之力而成詞旨條暢校訂精詳附圖數百幅精緻美  
校正瀛寰全志是編搜集東西輿地佳本精心翻譯竭一年之力而成詞旨條暢校訂精詳附圖數百幅精緻美  
精審定價大洋貳元  
中國歷史教科書  
亞美利加洲通史  
西洋歷史教科書

然每部七角半  
馬氏文通  
亞美利加洲通史  
西洋歷史教科書

致教科書  
生理學教科書  
鑛質教科書  
化學

物學教科書  
普通算學  
論理學綱要  
教育心理學  
理財學精義

消費理極繁博而譯筆極為  
條覽每部一冊價洋四角  
詞旨曉暢亦能不為原文所  
束縛每部一冊價洋四角半  
漢文詞達理舉足供教授  
之用每部一冊洋三角半

代售處  
天津官書局  
北京官書局  
高平三印所  
上海棋盤街商務印書館謹啓

上海棋盤街商務印書館謹啓

# 橫濱正金銀行

本銀行向在日本開設二十餘年資本金洋二千四百萬圓現收足金洋一千八百萬圓公積金八百五十一萬圓專做仕商匯款押款存款借存利息格外公道存款長期短期利息酌爲等差惟比他行加厚總行設在橫濱又東京神戶長崎英之倫敦法之巴黎美之紐約舊金山以及布哇孟買華則香港上海牛莊北京等處皆有分行凡通商口岸皆有安實代辦之家倘蒙仕商欲匯款存款者請至本銀行面議可也特此佈告 天津紫竹林支店估衣街分行 謹白

## 本報代派處

各省郵政總局分局均認定代派本報凡由郵局訂購者不取郵費

北京琉璃廠橋西路北公慎書局本分局

天津石橋胡同後齊佐周○鄉祠南李茂林保定城內西街本分局

○官書局

開封南書店街本分局

南京東牌樓慶昌錦州同益分報館

濟南官書局

漢口鎮日報館

南昌府城派報處

各州縣驛遞不在此例

西歷一千九百四年十月十八號 禮拜一

### 輪船出口日期

日九初月九

泰順 往煙申 招商局

安平 往上海 招商局

景星 往煙申 怡和行

均由紫竹林開

九月初十日

赤金三十七兩一錢五  
銀元合公銀平銀七錢一分九釐五  
化寶銀合九七六津錢二千三百七十五文  
銀元合當十銅元八十二枚半

天津	開往	到
京榆	到	開
火車	到	開
時刻	到	開
晚	晚	晚
六點	六點	六點
三十二分	三十八分	三十分
到	到	到